

Kinder Is-  
rael / so aus  
Egypten ge-  
zogen sind.  
Num. 31.

Also zogen aus die kinder Israel von Raemes gen Suchoth / sechs hundert tausent Man zu fuß / on die Kinder. Vnd zoch auch mit inen viel Pöbelvolck / vnd schaf / vnd vinder / vnd fast viel Viehs. Vnd sie buchen aus dem rohen teig / den sie aus Egypten brachten / vngesewrte Kuchen / Denn es war nicht gesewrt / weil sie aus Egypten gestossen wurden / vnd kundten nicht verziehen / vnd hatten inen sonst keine Zerung zubereitet.

Die zeit aber / die die kinder Israel in Egypten gewonet haben / ist vier hundert vnd dreissig jar / Da die selben vmb waren / gieng das ganze Heer des HERRN auff einen tag aus Egyptenland. Darumb wird diese Nacht dem HERRN gehalten / das er sie aus Egyptenland gefüret hat / Vnd die kinder Israel sollen sie dem HERRN halten / sie vnd ire Nachkomen.

Weise  
das pas-  
sah zu hal-  
ten.

Und der HERR sprach zu Mose vnd Aaron / Dis ist die weise Passah zu halten / Kein Frembder sol dauon essen. Aber wer ein erkaufter Knecht ist / den beschneite man / vnd denn esse er dauon. Ein Hausgenos vnd Miedling sollen nicht dauon essen. In einem Hause sol mans essen / Ir solt nichts von seinem Fleisch hinaus fur das Haus tragen / Vnd solt kein Bein an im zubrechen. Die ganze gemeine Israel sol solchs thun.

Johan. 19

So aber ein Fremdling bey dir wonet / vnd dem HERRN das Passah halten wil / der beschneite alles was menlich ist / Als denn mache er sich er zu / das er solchs thu / vnd sey wie ein einheimischer des lands / Denn kein Vnbeschnittener sol dauon essen. Einerley Gesetz sey dem Einheimischen / vnd dem Fremdlingen der vnter euch wonet. Vnd alle kinder Israel theten / wie der HERR Mose vnd Aaron hatte geboten. Also füret der HERR auff einen tag die kinder Israel aus Egyptenland mit irem Heer.

(Passah)  
Passah heisset ein gang / Darumb / das der HERR durch Egyptenland des nachts gieng / vnd schlug alle Erstgeburt tod. Bedeut aber Christus sterben vnd auferstehen / da mit er von dieser welt gangen ist vnd in dem selben Sünde / Tod / vnd Teufel geschlagen vnd vns aus dem rechten Egypten gefüret hat zum Vater / Das ist vnses Passah oder Ostern.

XIII.

Gesetz  
von allerley  
Erstge-  
burt.  
Exo. 22.  
34.  
Num. 8.  
Luce 2.



Und der HERR redet mit Mose / vnd sprach / Heilige mir alle Erstgeburt / die allerley Mutter bricht bey den kindern Israel / beide vnter den Menschen vnd dem Vieh / denn sie sind mein.

Exo. 12.  
34.

Da sprach Mose zum volck / Gedencet an diesen tag / an dem jr aus Egypten / aus dem Diensthause gegangen seid / das der HERR euch mit mechtiger Hand von hinnen hat ausgefüret / Darumb soltu nicht Sawrteig essen. Heute seid jr ausgegangen in dem mond Abib. Wenn dich nu der HERR bringen wird in das Land der Cananiter / Hethiter / Amoriter / Heuiter vnd Jebusiter / das er deinen Vetern geschworen hat / dir zu geben / ein Land / da milch vnd honig innen fleusst / So soltu diesen Dienst halten in diesem mond. Sieben tage soltu vngesewrt Brot essen / vnd am siebenden tage ist des HERRN fest / Darumb soltu sieben tage vngesewrt Brot essen / das bey dir kein Sawrteig noch gesewrt Brot gesehen werde / an allen deinen Orten.

1. Corin. 5.

Vnd solt ewren Sönen sagen / an dem selbigen tage (Solchs halten wir) vmb des willen / das vns der HERR gethan hat / da wir aus Egypten zogen. Darumb sol dir sein ein Zeichen in deiner Hand / vnd ein Denckmal fur deinen augen / Auff das des HERRN Gesetz sey in deinem munde / das der HERR dich mit mechtiger Hand aus Egypten gefüret hat / Darumb halt diese Weise zu seiner zeit jertlich.

Alle Erste-  
geburt dem  
HERRN  
heilig.

Wenn dich nu der HERR ins Land der Cananiter bracht hat / wie er dir vnd deinen Vetern geschworen hat / vnd dir gegeben / So soltu aussondern dem HERRN / alles was die mutter bricht / vnd Erste- geburt vnter dem Vieh / das ein menlin ist. Die Erste geburt vom Esel soltu lösen mit einem schaf / Wo du es aber nicht lösest / so brich im das genick / Aber alle erste Menschen geburt vnter deinen Kindern soltu lösen.

Vnd wenn dich heute oder morgen dein Kind wird fragen / Was ist das?

Leuit. 12.

(Abib)  
Abib ist der mond den wir April heissen / denn die Erbreiter haben in New jar an nach der natur / wenn alle ding wider new grünet / vnd wechset / vnd sich richtet. Darumb heisset er auch Mensis nouorum / das denn alles new wird.  
b  
(Vngesewrt brot.)  
So hart wird der Sawrteig verbotten / das man ja das lauter Euangeltum vnd Gottes gnade / nicht vnser werck vnd Gesetz sol predigen nach der auff erstehung Christi. Wie S. Paulus. 1. Cor. 5. auch zeitigt / Vnd ist solch essen nichts anders / denn glauben in Christum.

dem weise. Er. 23.  
solt jr  
vom  
on Is-  
nd sol  
in / On  
r euch  
tage /  
ag hal-  
ge des  
wenzig  
t Brot  
gerot  
heim  
esewrt  
et aus /  
s Pas-  
em be-  
d gebe  
HERR  
t sehen  
Thür  
lagen.  
/ wie  
u euch  
passah  
/ da er  
k vnd  
HERR  
gypten  
s / bis  
Erstge-  
nd alle  
ar kein  
ron in  
/ olck /  
gesagt  
Gebet  
/ das  
lle des  
zu jert  
Israel  
ert für  
Volck  
s den  
so 30